

Na osnovu člana 153. st. 2. i 3. Poslovnika Predstavničkog doma Parlamenta Federacije Bosne i Hercegovine i na osnovu člana 144. st. 2. i 3. Poslovnika o radu Doma naroda Parlamenta Federacije Bosne i Hercegovine, Parlament Federacije Bosne i Hercegovine je, nakon razmatranja Informacije o stanju sigurnosti na području Federacije Bosne i Hercegovine u kontekstu javnih protesta građana u periodu od 5.2. do 20.2.2014. godine, na sjednici Predstavničkog doma, održanoj 26.2.2014. godine, i na sjednici Doma naroda, održanoj 27.2.2014. godine, usvojio sljedeće

ZAKLJUČKE

1. Očuvanje ustavnog i demokratskog poretka, sigurnost građana i imovine treba biti glavni prioritet djelovanja svih institucija, medija i pojedinaca;
2. Potrebno je osigurati ustavno pravo na mirne proteste, ali i osigurati funkcioniranje svih institucija i javnih službi uključujući neometano odvijanje saobraćaja;
3. Zadužuje se Ministarstvo unutrašnjih poslova Federacije Bosne i Hercegovine da sačini Analizu funkcioniranja policijskih struktura i utvrdi odgovornost rukovodilaca zbog propusta u provođenju zakona, te predloži efikasan mehanizam koji će jasno definirati nadležnosti i odgovornosti;
4. Istrajati na otkrivanju počinitelaca i organizatora počinjenja krivičnih djela tokom protesta i na efikasnom procesuiranju;
5. Parlament Federacije Bosne i Hercegovine zahtijeva od tužilaštava u Federaciji Bosne i Hercegovine i Bosni i Hercegovini da prioritarno procesuiraju sve predmete koji se odnose na privatizacijski i opći privredni kriminal, te korupciju, a od sudskih organa traži da efikasno rješavaju ove predmete u skladu sa zakonima i javnim interesom i da informiraju Parlament Federacije Bosne i Hercegovine o poduzetim aktivnostima;
6. Parlament Federacije Bosne i Hercegovine obavezuje se da će u narednom periodu prioritarno raditi na zakonskoj regulativi u oblasti primanja i naknada u ukupnome javnom sektoru, u oblasti socijalne politike, ekonomije, sigurnosti, s fokusom na izmjene zakonske regulative radi poboljšanja položaja građana, efikasnosti i odgovornosti institucija javne vlasti. Nalaže se Vladi Federacije Bosne i Hercegovine da pripremi odgovarajuće prijedloge zakona i drugih akata iz navedenih oblasti.
7. Ovi Zaključci će se objaviti u „Službenim novinama Federacije BiH“.

PFBiH, broj: 01,02-02-296/14
27. februara 2014. godine
S a r a j e v o

PREDSJEDAVALA
DOMA NARODA
PARLAMENTA FEDERACIJE BiH

Tomislav Martinović

POTPREDSEDAVAJUĆA
PREDSTAVNIČKOG DOMA
PARLAMENTA FEDERACIJE BiH

Mira Grgić

